

聖

中州乙集第二

祝太常簡一十二首

張子羽三首

朱諫議之才十七首

劉內翰著二十四首

施內翰宜生四首

朱葭州自牧二十首

孫內翰九鼎一首

劉修撰或二首

趙內翰可三首

劉西崑汲一十首

劉內翰瞻三首

郝內翰侯二十首

張鄆城公藥三首

任南麓詢九首

馮臨海子翼七首

史明府旭三首

邊內翰元鼎四十二首

李丞盲晏七首

王都運寂七首

蓮峯真逸喬宸一首

祝太常簡

簡字廉夫單父人宋末登科國初倅某州仕至朝奉郎
太常丞兼直史館有鳴鳴集行於世其詩說有云予政
和丁酉任洺州教官是時括蒼鮑慎由欽止出所注杜
詩說天王守太白守讀如狩於河陽之狩高秋登寒山
南望馬邑州馬邑州在城州界予檢唐書志寶應元年
徙馬邑州于鹽井城欽止為有據矣舊注馬邑屬鴈門
與杜子美作詩處全無關涉後人遂謂王源叔謬於牽
引不知源叔初不注杜詩予識其孫彥朝彥朝不說杜
詩非其大父注蓋彥朝不學見流俗皆讀舊注因而認
有可歎可歎好問常以此問趙禮部趙云廉夫前輩必

不妄試更考之今日見吳彥高東山集有贈李東美詩
引云元祐間秘閣校對黃本鄧忠臣字慎思余柳氏姨
之夫今世所注杜工部詩乃慎思平生究竭心力而為
之者鑿板家標題遂以託名王源叔翰林兩王公前後
記初無一語及此注而後記又言如源叔之能文止作
記於後則源叔不注杜詩為可見矣舉世雷同無為辨
之者宣和近貴李東美有才藻善行書且喜作小楷所
寫杜集精密迥麗有足嘉賞為作古詩一篇帝尾因記
鄧公事後人聞此其誰不疑然予少時目擊不可不識
姑以告李侯非求信後人也彥高此說正與廉夫合近
歲得浙本杜詩是源叔之孫祖寧所傳前有序引備言

其大父源叔夫嘗注杜詩廉夫彥高益可信故併記於此廉夫詩甚工如賦雪云雲屋無寒夢油燈有細香書懷云白髮渾無賴朱顏更不回遮眼細書聊引睡扶頭濁酒家關情此類甚多

舟次丹陽

松頭東下趁晨鐘舩外清霜氣暗通斷雁聲歸煙靄衰孤帆影落月明中隋河波浪十年急梁苑池臺一旦空試問碧堤無限柳敗條衰葉幾秋風

下第魚臺東寺

病眼逢花亦倦開流鶯飛去候相猜多情却愛僧堂燕才得春風却再來

青奴

名實於人不可誣馬牛我亦受人呼世間物化多難曉誰為此君為此奴

雜詩

雨後清寒滿袖風鴈聲南去暮雲濃秋來把菊能多少欲助盤飧自不供○榴花嬌欲鬪羅裙石竹開成碎纈文更有戎葵亦堪愛日烘紅臉酒初醺

虛極齋獨坐

虛齋長缺短燈檠明月當窻夜氣清却掩塵編時閉目胡床獨坐聽秋聲

相國寺鐘

其大父源叔夫嘗注杜詩廉夫彥高益可信故併記於此廉夫詩甚工如賦雪云雲屋無寒夢油燈有細香書懷云白髮渾無賴朱顏更不回遮眼細書聊引睡扶頭濁酒家關情此類甚多

舟次丹陽

松頭東下趁晨鐘舩外清霜氣暗通斷雁聲歸煙靄衰孤帆影落月明中隋河波浪十年急梁苑池臺一旦空試問碧堤無限柳敗條衰葉幾秋風

下第魚臺東寺

病眼逢花亦倦開流鶯飛去候相猜多情却愛僧堂燕才得春風却再來

青奴

名實於人不可誣馬牛我亦受人呼世間物化多難曉誰為此君為此奴

雜詩

雨後清寒滿袖風鴈聲南去暮雲濃秋來把菊能多少欲助盤飧自不供○榴花嬌欲鬪羅裙石竹開成碎纈文更有戎葵亦堪愛日烘紅臉酒初醺

虛極齋獨坐

虛齋長缺短燈檠明月當窻夜氣清却掩塵編時閉目胡床獨坐聽秋聲

相國寺鐘

原人少有能詩聲如盤中酒影金蛇活與流虹聚石砭
之句皆竒怪不凡其一王景微字彥美祁國文獻公溥
之後贈定國詩云澗下松杉已蔽牛溪中蘋藻可供羞
故鄉未有終焉計欲指吳山歸去休其一吳縝字子長
東平人文肅公奎之孫年三十以食貧暫仕即歸隱于
魚山狼溪之側寄定國云情馳夏日流目斷晚雲碧新
詩從何來遠自金馬客雄深作者意奔軼古人迹名高
四海望髮未一莖白應嗤窮途士袖簪老泉石采蕨在
南山驅牛向東陌勞生豈不苦衣食迫晨夕膏梁無宿
懷茅茨得真適卒歲將何求一飽惟力穡訪國城石氏
云昔我訪君處樹涼炎暑收今君訪我來城空殘雪留

經時少乘輿兩至皆空投茅茨隔溪上車馬度城頭不
聞機杼聲但聽溪水流向來方圓翁曾伴此中遊近聞
大梁至京塵滿衣裘相思懶歸步落日風颭颭山居云
西首魚山崦北連黃石祠崇岡在東南我家山北陞地
僻少人事終朝掩柴扉尊酒不常得書卷聊自怡春風
數日來處處生蒺藜寸心復何累一飽良可期當年終
南人捷徑以貽譏知我無心者豈顧悠悠辭擬淵明貧
居云淒其歲云暮北風無時休晨興倦薪水夜寐乏衾
裯缺月正裴面宿鳥頻啁啾欲無憊悴歎奈此霜霰秋
松楸脫兵火環堵且淹留閉門念袁安守賤弔黔婁坐
讀貧士詩吾乃淵明儔溪上招王仲先云幽居復何爲

冬來性成懶柴門俯清溪寸步出亦罕今晨偶携杖愛
此晴日暖寓目隨所之行到南溪畔背陰雪猶積向暖
冰全泮搯頤卧石上仰面蒼崖斷泉聲何從來乍喜兩
耳換平分意甚遲斗落勢方悍坐來百慮忘還惜日景
短塵寰多憂虞中林足閑散故人戀明時歸休苦遲緩
幅巾來何時臨流話幽歎叔翔亦其一也定國謂叔翔
於文章無所不能嘗仕國朝官洛陽云

游龍門訪潛溪僧舍

入谷訪精舍鍾聲先遠聞陽光時翳竹泉脉俄當門山
僧禁足久瞑目誦微言要知鹿臺寺但指山頭雲策杖
御枯西幽蘭秀荆撩風煙浩難及薄暮花紛紛

宿寶應

重崑煙靄合寶閣春風暮山深月影遲坐久識歸路伊
昔府中彥征驂同夜駐徂年能幾時變滅等驚霧禪房
伴茗飲豈待酒中趣卧來清不寐瘦鶴驚宿露黎明覓
舊題松間宛如故又作已復等驚霧

壽張和滑益之

理髮秋庭起夕陽靜中誰可共傳觴雲橫故國三年別
水遠孤村六月涼病眼只貪書味未渴心頻夢橘奴香
魚山早有終焉計少日應容解印章

朱諫議之才

之才字師美洛西三鄉人宋崇寧間登科入齊為諫官

坐直言黜為泗水令尋乞閑退寓居崑陽因而家焉昆
弟數人皆有文名師美自號慶霖居士有霖堂集傳於
世如云魯甸分鴻影齊山入馬蹄門靜堪羅雀書成不
換鵝雨過好花紅帶潤日長嘉樹綠移陰此類甚多子
澗字巨觀

南越行

南越太后邯鄲女皓齒明眸照蠻土珊瑚為帳象作床
錦織高張擊銅鼓太液池內紅芙蓉自怜謫墮蠻煙中
灞陵故人杳無耗深宮獨看南飛鴻隨兒作帝心不願
惟願西朝栢梁殿茂陵劉郎亦可人遣郎海角來相見
金猊夜燎龍涎香明珠火齊爭煌煌番禺秦甸隔萬里

今夕得遂雙鴛鴦白首相君佩銀印干戈欲起蕭牆釁
莫言女子無雄心置酒宮中潛結陣漢家使者懦且柔
纖手自欲操霜矛孤鸞竟落老梟手可怜空奮鞞千秋
樓船戈鋌師四起或出桂陽下灘水越郎追斬呂嘉頭
九郡同歸漢天子尉他墳草幾番青霸業猶與炎洲橫
玉墜初從真定得黃屋却為邯鄲傾五羊江連湘浦竹
嬌魂應伴湘娥哭

後薄薄酒

薄酒可以謀醉不必霞滋玉味鹿布可以御冬不必狐
貉蒙茸醜婦可以肥家不必楚女吳娃獨夫長夜商祚
訖義和酒淫秦天曆李白跌宕三百盃阮籍沈營六十

日眠瓮吏部寡廉恥解貂常侍墮法律儻使飲薄酒未
見有此失秦昭狐腋幾喪首鄭蕝鷓冠貽厥咎尤裘金
玦豈不哀繡衣朱襮固無取昔緣鹿衣惡不御賈禍招
譏亦何有夏姬滅兩國驪姬禍五世捧心顰眉亡夫差
墮髻啼粧敗梁真醜婦似可惡終不至顛沛勸君飲薄
衣鹿娶醜婦此樂人間最長久

薄酒鹿衣吾何悲醜婦自醜吾不知道眼混圓宜不二
媿惡妍陋無殊歸瓦壘石曰斟吾酒脫粟藜菜皆可口
醉境陶然無後憂玉盃浮蛆彼何有漢文天子猶弋綈
士服鹿布乃所宜要繩屐葛同一煖霞穀冰統徒爾為
無鹽如漆后齊桓孟光舉臼配伯鸞古來傾城由哲婦

有德乃令家國安我能遣婦縫鹿對婦飲薄傍人大笑
吾不惡

寓言二首

獸有善觸邪草有能指佞獸草非有心不移本天性前
王着臣冠俾爾効端鯁如何不稱服觸指反忠正吾欲
取二物豢植列臺省一令邪佞徒奔逃亟深屏
風雨晦時夜雞鳴有常聲霜雪枯萬幹松柏有常青內
守初已定外變終難更若人東世利浮沉無定情俯仰
効檠棹低昂甚權衡反出木鳥下徒為萬物靈

謝孫寺丞惠梅華

我來泗水上居與墟墓鄰彌望多棗栗礙眼皆荆榛忽

忽度歲月不知時已春朝來佳公子遺我梅花新秀色
照牕几妙香襲衣巾莽如瓦礫場驚賭瓊瑤珍念昔客
江南千樹臨江津吳儂不如貴但與桃李倫自從墮東
土夢繞江之濱嘆彼和鼎實亦復生不辰窮愁坐空山
豺虎雜鳳麟此贈意不淺難爲俗子陳

次韻東坡跋周昉所畫欠申美人

巫峽昭君有奇色毛生欲畫無由得但作東風背面身
看來已可傾人國朝來睡起鬢髮垂手如春筍頰蝟蟻
繡帷幽夢斷難續想像翠黛顰脩眉春光三月濃於酒
燕燕雙飛鷺喚友不教膩臉露桃花且喜腰支似楊柳
君不見漢官多病李夫人轉面不顧君王嗔古來畫工
畫意亦自足煙霧玉質何由真

暴雨

掣電奔雷掩靄間崩騰白雨襲人寒頰山黑霧傾濃墨
倒海衝風瀉急湍勢似陽侯夸海若聲如項籍破章邯
炎歊一濯須臾耳已看天圍碧玉寬

宿閑廡

淡煙衰草慵回首晚日殘霞欲斷魂脫帽卸鞍投逆旅
蕭蕭黃葉水邊村

十月十五日夜作連珠詩四

披衣開戶幾宵興永夜無眠魂九升坐覺飛霜明瓦屋
天如寒鑑月如冰

天如寒鑑月如水僵卧家僮喚不磨却憶少年游太學
蕭然獨對短檠燈

蕭然獨對短檠燈引睡翻書睡幾曾自笑年來憂患熟

跏趺真作坐禪僧

跏趺真作坐禪僧不學窓間故紙蠅湛若琉璃含寶月

此中無減亦無增

卧病有感二十韻

臯蘇繁園英澤芝紛水葉亦并舞纖肌黃袍緩老頰鳴
飛各有適吾獨嗟衰齒齒髮久已疎又復失調燮梁肉
謝鼎俎參芘宮中篋葵扇風未來桃笙汗初浹呻吟和
哀蟬夢寐追化蝶撫枕念平生世故飽更涉弱齡負奇

蝶

志肯蜺蟠燁晬夜後傳崑訪朝待渭濱獵荀爽歲九遷

康侯日三接功業著鐘鼎聲名垂史牒那知事大謬舉

趾得躓踣多難集暮年百願土一愜寒灰消寸心清淚

腐雙睫坐令孤鵬騫化作瘴鷲點憂來復自慰人生幾

莫茨呼吸過百歲俯仰失千劫乘流須縱櫂遇坎即停

楫些語不成騷商歌鼓長鈇

復用九日詩韻呈黃壽鵬

忽忽天星二十九當年曾醉瓊林酒終未歲登科弟春

風射策紫垣深猶記靈和殿前柳與君雖異千佛名出

入南宮同戶牖春蠶食葉七千人看君運筆如揮帚妙

齡忠氣軼衡嵩餘子紛紛真培塿那知晚節岱陽城白

髮蒼顏兩鬢叟君材有如萬斛舟顧我碌碌才筭斗時
窮壯士或飯牛遇合封侯起屠狗東臯有田供王賦天
寒且輟扶犁手寂寥圭竇對書冊火冷燈青夜方久先
生乘興肯相過亦有青錢沽玉友

七夕長短言

牛不可以服箱女不可以成章其名則然實豈爾政如
箕斗難挹揚河漢特水象安有波浪為津航惟鵲乃巢
居詎能上天構橋梁星經有躔次東西永相望今夕復
何夕乃謂合并如鸞凰一人唱誕惑萬世浪今兒女爭
猖狂瓠牛載槃何等秩金梭擲地殊荒唐吾命有貴賤
吾性本直方探官與乞巧是豈吾所賦何如舉酒邀明
月更遣清風屏炎熱星光落盞黃金空露華絲袂真珠
滑我方幕天席地醉兀兀癡牛駮女知何物

水月有興

明月落湖水天淵體俱一浩蕩碧琉璃
壙奩此寒玉璧微風觸湖波合散作六七浮光逐水紋
金蛇勢盤詰人心湛寂初與月同清篔簹外累一汨之
萬態紛殊迹因知養心者無為風浪失

劉內翰著

著字鵬南舒州皖城人宣政末登進士第歸朝預銓調
碌碌州縣年六十餘始入翰林充修撰出守武遂終于
忻州刺史皖城有玉照鄉既老號玉照老人示不忘本

云

次韻彥高即事

福威看九落筆削在麟經中道亡三鑑危時憶九齡網
羅無處避鞦韆不堪聽身遠遼陽渡心懷峴首亭脫巾
頭半白傾蓋眼誰青斷鴈西風急潸然涕泗零

順安辭呈趙使君二首

太平時世屢豐年勝事空聞父老傳郭外桑麻知幾頃
船頭魚蟹不論錢

六朝興廢渡河年舊國歸來更黯然八月邊城山未雪
廬花藉藉已漫天

次韻王子慎玉田道中一首兼呈韓公美閣老

東晉風流屬子猷開元峭直讓韓休絲綸對掌斨三雋
樽酒更酬失四愁古道陰陰槐樹老歸鴻杳杳荻花秋
浩然詩思天涯遠月滿江南小謝樓

出榆關

羽檄中原滿萍流四海間少時過桂嶺壯歲出榆關奇
禍心如折羈愁鬢已班楚纍千萬億知有幾人還

渡遼

身隔遼東渡心懷冀北群會歸蘇屬國却憶范將軍風
陣橫秋鴈雷聲吼夜蚊方言莫相笑唐梵本殊分

至日

亂離南國忽經年一線愁添未死前心折靈臺候雲物

眼看東海變桑田燕巢幕上終非計
雉畜樊中政可憐
安得絕雲行九萬却騎鯨背上青天

次韻彥高暮春書事 戊申歲

平生漫浪老清暉却掃丘園屬少微
世亂傷心青眼舊
天涯流淚白雲飛
羈愁只憶中山酒
貧病長懸子夏衣
澤畔行吟誰念我
祇應形影自相依

寄題張浩然松雪樓

入座山光秀玉柯
岸巾絕景意如何
瘦來豈為寒松句
和寡還驚白雪歌
地近雲煙來鶴駕
簷高星斗瀉銀河
懸知老子登臨處
渺渺滄波月色多

次韻彥高占雪

天秋鼓南風雲海飄暮雪三春猶泐寒
九夏那苦熱土
圭測中氣嘗聞先儒說窮髮多異宜
泥古誠亦拙吳侯
擅六藝名宦端不屑
晚歲登泰山蚤已探禹穴
千歲可坐致不待數旬月
重陰畏坎陷五陽欣
史史君子方履
霜渠肯蹈覆轍雞猪與魚蒜
幸可充朝饒

枕上言懷

九土將分裂中原政擾攘孰為真漢相
却憶假齊王晉
室遷神鼎梁園作戰場
可怜羈客夢夜夜在家鄉

再和彥高

瓦秦由來在歲星誰聽叩角作商聲
一朝漢魏成今古
百口燕秦隔死生
雉堞僅能逃病婦
鴈書猶記作團兄

雪雲埋盡遼西路有酒如淮奈此情

聞鴈

千里寒雲卷朔風當軒月午鴈書空煩君爲報江南客
顛顛遼東更向東

閨情二絕 巳酉歲

天邊北斗又回春愁絕龍沙任酒醺萬里巫山歸夢斷
不知何處覓行雲
蕙帳金爐冷篆煙故山春草幾芊芊只今唯有藕湘月
萬里相隨照不眠

過白溝趨順安

萬折狂瀾肯倒流歸心夢寐在東周平生快意君知否

今日驅車過白溝

題御城寺壁

一徑埋雲草樹荒石麟蒼蘚卧田桑漢家陵闕今何在
洛水嵩山滿夕陽

月夜泛舟

浮世渾如出岫雲南朝詞客北朝臣傳郵擾擾無虛日
吏俗區區老却人入眼青山看不厭傍船白鷺自相親
舉杯更欲邀明月暫向堯封作逸民

病中寄楚卿

月滿江樓午夜鐘多情多病一衰翁行雲不道無行雨
只恐相逢是夢中

送客亭

十年羈旅鬢成絲千里淮山信息稀
送盡長亭短亭客且看莊舄幾時歸

病中言懷呈韓給事

潦倒淮山客金臺五見秋
退飛嗟宋鷁畏暑甚吳牛問疾
憐摩詰分曹類子猷自慚無補報
只合隱林立

伯堅惠新茶綠橘香味郁然便如一到江湖

之上戲作小詩

建溪玉餅號無雙雙井爲奴日鑄降
忽聽松風翻蟹眼却疑春雪落寒江

黃苞猶帶洞庭霜翠袖傳看綠葉香
何待封題三百顆

只今詩思滿江鄉

文季侍郎得綠萼香梅子文待制有詩輒亦

同賦

一枝萼綠冠群芳瀟洒猶疑楚岸傍
香骨瘦來冰蘂細夢魂清處月波涼
賡酬便合成千首醒醉寧須計百觴
橫玉叫雲吹不盡只教今古洗離腸

施內翰宜生

宜生字明望浦城人宣和末爲潁州教官仕齊仕國朝
官至翰林學士自號三住老人有集行於世賦柳云朱
門處處臨官道流水年年遶禁宮
草書云臨池翁忽雲霧集舞劍浩蕩波濤翻
山谷草書云行所當行止當止

錯亂中間有條理意溢毫搖手不知心自書空不書帛
社日云濁澗迴湍激青煙弄晚暉綠隨春酒熟分與故
山違社鼓喧林莽孤城隱翠微山花羞未發燕子喜先
歸又云割少諛諧語分均宰制功靈祇依古樹醉叟泥
村童萬里開耕稼三時順雨風行春從此樂着意酒盃
中初在潁州日從趙德麟游頗得蘇門沾丐云

柳

魏王堤暗雨垂垂還似春殘欲別時傳語西風且停待
黛殘黃淺不禁吹

無題

唱得新翻穩貼腔阿誰能得肯雙雙天寧寺裏尊前月

分擘清寒入小牕

盆池

盆池漱灑蔭芭蕉點水圓荷未出條分得江湖好風景
斷雲飛去晚蕭蕭

平陽書事

春寒窸窣透春衣公路有花緩轡歸穿過水雲深密處
馬前蝴蝶作團飛

朱葭州自牧

自牧字好謙棣州散次人皇統中南選宋端卿榜登科
大定初以同知晉寧軍事卒官有詩云寒天展碧供飛
鳥落日留紅與斷霞又云水禽孤影白霜果半腮紅海

氣外孤月崑姿起
暝煙山雪尋崖斷
林煙逐樹佞燈殘
星在壁霜重水漫
衾句法之工類如此

病起書事

牢落衰年病轉侵
醫編藥裹廢閑吟
卧銷白日塵疑履
起對青銅雪滿簪
霜後癡蠅看老態
天邊倦鳥識歸心
維摩不出文殊去
門巷蕭條翠蘚深

晨起趨省

鄰鷄一鳴僕再呼
三星已在東南隅
霜風遶屋伺我出
布衾尚欲留須臾
才踈性懶真勉強
飢寒且迫誰能逋
山靈笑我真有謂
能使我吏如陵乎

自鄜州歸至新市鎮時方渡險喜見桑野

閭山自天降爲田
洛水自瀑舒爲淵
山川險盡鞍馬穩
昔居櫟棹今乘船
三年官業無毫髮
萬里裝囊更蕭瑟
歸來何以謝鄉閭
細說艱難爲土物

自鄜州罷任歸宿澠池道中有虎爲暴

嶠山之阿澠之許
行路蕭條正艱阻
日落山空澗水哀
市門靜閉防飢虎
前年張茅殺餉婦
今歲食驢斷行旅
我來萬里逐一官
安可不戒爲汝脯
畫持弓矢夜枕戈
靜匿兒童防笑語
白額將軍莫笑人
世無劉琨當畏汝

赴鄜州過湖城縣武帝望思臺在焉

寒骨千年飲恨埋
餘哀空寄望思臺
縱令曲沃精魂見
寧與商山羽翼來
趙虜典刑何足正
周公畫像可憐開

忍心木自窮兵起巫蠱焉能作禍胎

晉寧感興

莫將官况說葭蘆一味蕭條稱鄙夫老圃不禁蔬代肉
樵丁還喜炕連廚兒音半已漸秦晉鄉信無因接魯洙
三見秋風落庭樹年年歸意負尊鱸

年節嵐州席上贈同知王子直中散

別時風雪暗龍津一夢經年復見君去國光陰雖易得
夾河形勢且平分心如征馬常嘶代身伴秋鴻却渡汾
此日一樽難惜醉新年風景舊知聞

送鄜州鄧判任元老罷任東歸 二首

長塗冰雪歲崢嶸客裏那堪送客行萬里歸心應接浙

一樽別酒且班荆春生汶水庭闈近人去雕陰幕府輕
欲仗征鴻寄消息地寒不肯過邊城
都騎駸駸指汶陽關門應識棄繻郎暮寒煙浪歸期阻
細雨簷花飲興長東帶暫為彭澤令曳裾休忤漢梁王
邊城情味君應會為說無慘與故鄉

小雨不出寧海司理廳

吏散庭空鎖碧苔冷官門戶幾曾開踈踈細雨槐華落
寂寂虛堂燕子來多病始知窮有鬼獨賢方覺仕無媒
故園拋擲奔馳外剛道江山未放回

過渾源留別田仲祥同知鄧使

金臺前夢杳無蹤一阻雲山莫計重雙鯉附書常不達

兩萍浮海偶相逢
燕南落日車分轍
代北春風酒滿鍾
明日去留牽世務
燈前談笑且從容

劉仲規挽辭

富貴康強九十春
公歸無憾我傷神
人間秀氣還蒿位
夢裏行年屬巳辰
名姓空留耆舊傳
衣冠不見老成人
淒涼通德門前路
無復青蒲裹畫輪

訪山寺僧

踏破蒼苔叩竹扃
晚晴夜院有餘清
幡腰落日紅千甍
簷際遙岑翠一橫
種秫公田聊卒歲
栽蓮僧社擬投名
從今興熟頻來往
未信齋鐘午後鳴

謝吳堡知寨安巨濟贈帑百幅

百幅溪成遠見羞
故人佳餉若為酬
幸將晚節收魚網
未得良工起鳳樓
掃葉學書差足慰
芸香辟蠹會須求
揮毫不見雲煙落
愚賈操金愧暗投

清河道中暮歸

緩轡溪邊喜乍晴
夕陽流水浸孤城
川平佛塔層層見
浪穩商舟尾尾行
十里煙霞隨野步
兩崖禾黍撼秋聲
雨暘雖有豐年兆
久客都無地可耕

晚泊濟陽

江北秋陰一半晴
晚涼留與客襟清
水邊畫角孤城暮
雲底殘陽遠樹明
旅鴈為誰來有信
斷蓬如我去無程
寥寥天地誰知己
村酒悠然只獨傾

冬日擬江樓晚望

萬里長空淡落暉歸鴉數盡下樓遲山如駭浪高估湧
天似寒灰黯淡垂紫塞西橫連統萬黃河東下接汾睢
此邦形勢雄今古只與羈人百不宜

對雪

寂寂袁安舍柴門雀可羅青旃無舊物黃竹有新歌罷
飲瓢仍棄供吟筆旋呵殷勤掃荒徑尚憶子猷過

郊行

緩轡尋春水一涯寂憐朝雨泥輕沙小溪煙重偏宜柳
平野雲垂不礙花青眼步兵元好酒黑頭江令未還家
興長不覺歸來晚過盡城頭陣陣鴉

和郭仲榮郡城秋望

城高野闊思何窮人在西風一笛中樓影不搖溪水淨
春聲相答暮山空海天引望能供碧霜樹禁秋更倚紅
回首客魂招不得尊鱸歸興滿江東

孫內翰九鼎

九鼎字國鎮忻州定襄人天會六年經義第一人在太
學時遊金明作詩云片片桃花逐水流東風吹上木蘭
舟隔溪紅粉休相認年少孫郎不姓劉弟九疇億俱有
時名三人同榜登科吳彥高贈國鎮詩云孫郎有重名
談笑取公卿清廟瑟三嘆齋房芝九莖其為名流所稱
道如此吾州文派先生指授之功為多年八十餘卒

甄莊三藏真身

三藏來中土時其師授記謂當逢甄而住歿後三百年見

夢町白氏出

生自龜茲國來從大業年緣甄駐飛錫夢白出重泉鐵石亦有毀筋骸何尚全應知待彌勒萬劫庇山川

劉修撰或

或字公茂安陽人天眷二年經義第二人自號香嵒居士歷京兆總幕終于翰林修撰

春陰

似雨非晴意思深宿醒牽牽泥重衾苦怜燕子寒相並生怕梨花晚不禁薄薄簾幃欺欲透悠悠歌管壓來沉南園北里狂無數唯有芳菲識此心

秋雨得雲字

一室蕭然半掩門簷牙懸溜喜初聞棲鴉不動寒侵樹過鴈無聲冷貼雲歷耳半隨風浙瀝舞堦仍帶葉繽紛隔籬爲問東臯叟幾麥前春定十分

趙內翰可

可字猷之高平人貞元二年進士仕至翰林直學士風流有文采詩樂府皆傳於世號玉峯散人集子述字勉叔承安二年登科賦雪云奇貨可居天種玉太平有象麥連雲屏山故人外傳說勉叔詩章字畫皆有父風性落魄嗜酒卒以樂死倣儻奇男子也

來遠驛雪夕

使高麗時作

江上東風冷不禁晚雲翻手弄晴陰春來天氣不全好
夜久雪花如許深煖老正思燕地玉辟寒誰有魏臺金
空齋寂寞青綾被學得東山擁鼻吟

雲興館曉起

雙旌晚泊雲興館對面高峯絕可人一夜山雲飛作雪
要誇千樹玉嶙峋

江路聞松風

雪裏雲山玉作屏松風入耳細泠泠朝來醉著江亭酒
却被騎龍喚得醒

劉西崑汲

汲字伯深南山翁之子天德三年進士釋褐慶州軍事

判官入翰林爲供奉自號西崑老人有西崑集傳於家
屏山爲作序云人心不同如面其心之聲發而爲言言
中理謂之文文而有節謂之詩然則詩者文之變也豈
有定體哉故三百篇什無定章章無定句句無定字字
無定音大小長短險易輕重惟意所適雖役夫室妾悲
憤感激之語與聖賢相雜而無愧亦各言其志也已矣
何後世議論之不公邪齊梁以降病以聲律類非優然
沈宋而下裁其句讀又俚俗之甚者自謂靈均以來此
祕未睹此可笑者一也李義山喜用僻事下奇字晚唐
人多効之號西崑體殊無典雅渾厚之氣反詈杜少陵
爲村夫子此可笑者二也黃魯直天資峭拔擺出翰墨

畦逕以俗爲雅以故爲新不犯正位如參禪着末後句
爲具眼江西諸君子翕然推重別爲一派高者雕鏤尖
刻下者模影剽竄公言韓退之以文爲詩如教坊雷大
使舞又云學退之不至即一白樂天耳此可笑者三也
嗟乎此說旣行天下寧復有詩邪此讀劉西崑詩質而
不野清而不寒簡而有理澹而有味蓋學樂天而酷似
之觀其爲人必傲世而自重者頗喜淨屠遠於性理之
說凡一篇一詠必有深意能道退居之樂皆詩人之自
得不爲後世論議所奪真豪傑之士也

題西崑

人愛名與利我愛水與山人樂紛而競我樂靜而閑所

以西崑地千古無人看雖看亦不愛雖賞亦不懽欣然
會予心卜築於其間有石極峭岬有泉極青寒流觴與
被襖終日堪盤桓此樂爲我設信哉居之安

卜築西崑寂可人青山爲屋水爲鄰身將隱矣文何用
人不知之味更真自古交游少同志到頭聲利不關身
清泉便當如澗酒澆盡胸中累劫塵

平涼道中

青山烟無塵塵滿行人衣行人望青山咫尺不得歸吾
歸不作難世故苦相違何當臨溪水一洗從前非

南園步月

雲橫樹外山樹映山巔月微風拂寒枝踈光散清越幽

歡難相遇此景安可忽從來山水心不爲塵埃沒

不如意

朝亦不如意暮亦不如意今日只如此來日復何異一
權強欲謀百憂已先至乃知塵網苦動輒心萬計高軒
與華冕儻來亦如寄規規必欲求愈勞終不遂善哉榮
啓期自寬以遣累

慶州回過盤嶺宿義園

隨馬雨不急催人日欲晡山從林杪出路到水邊無拘
縛嗟微官崎嶇走畏途村家應寂樂雞酒夜相呼

到家

三載塵勞慮翻然盡一除園林未搖落庭菊正扶踈送

屋看新樹開箱檢舊書依然故山色瀟洒入吾廬

高陽道中

杏花開過野桃紅榆柳中間一逕通禽鳥不呼村塢靜
滿川煙雨淡濛濛

家僮報西崑栽植滋茂喜而成詠

孤雲出岫本無心何用微名挂士林近日故園消息好
西崑花木已成陰

留別四弟

對床喜清夜樽酒話平生自是今宵雨於人却有情

酒中作

樹暗春將老酒闌人欲歸徘徊風月夜花絮一簾飛

劉內翰瞻

瞻字崑老亳州人天德三年南榜登科大定初召為史館編修卒官党承旨世傑鄴著作元與魏內翰飛卿皆嘗從之學崑老自號櫻寧居士有集行於世作詩工於野逸如厨香炊豆角井臭落椿花之類為多

春郊

桑芽粒粒破春青小葉迎風未展成寒食歸寧紅袖女
外家紙上看蠶生

無極道中

銀河淡淡瀉秋光缺月梢梢桂晚涼馬上西風吹夢斷
隔林煙火路蒼茫

所見

傾歌石片插連漪上有蕭蕭揚柳枝藻荇半浮苔半濕
浣沙人去不多時

郝內翰侯

侯字子玉太原人正隆二年進士仕至河東北路轉運使子居簡字仲寬進士不弟有詩名太原平陽間居中
字仲純樞密院令史出身嘗刺坊州人物楚楚所謂文
獻不足猶超人群者也正大末除鳳翔治中南山安撫
使詩亦有功子玉自號虛舟居士有集行于世如云勞
生雖可厭清景亦自適殊有古意也

郝吉甫蝸室

草草生涯付短椽身隨到處即安然功名角上無多地
風月壺中自一天世路又誰甘縮首趨車才值便流涎
一生突我林鳩拙辛苦營巢二十年

聽雪軒

扶疎窗外竹歲暮亦可愛蕭散軒中人高節凜相對清
寒入夢境風雨號萬籟覺來聞雪落浙瀝珠璣碎飢腸
出佳句疊疊入三昧華堂沸絲竹此樂付兒輩

魏處士野故症

郊原冷落霜風後桑柘蕭條兵火餘試問當時卿與相
幾家猶有舊田廬

七月十五日夜顯仁寺東軒對月

野迥雲歸盡山高月上遲暗螢依露草驚鵲遶風枝素
影隨波遠新涼與酒宜中秋更有味試爲卜歸期

應制狀元紅

仙苑竒葩別曉叢緋衣香拂御爐風巧移傾國無雙艷
應費司花第一功天上異恩深雨露世間凡卉謾鈿紅
情知不逐春歸去常在君王顧盼中

疊翠柳

畫樓西畔石州山指點雲煙識翠鬟回首十年真一夢
淡天如水夕陽閑

題均福堂三首

憧憧車馬競春遊不見溪堂五月秋卧聽雲濤春午枕

夢隨鷗鳥落沙洲

為魚為鳥知誰是
看水看山俱得意
存亡貴賤聽天公
只有歸休須早計
歸休得計即歸來
林下空言只可哈
莫待山靈嫌俗駕
却將鞍馬覓塵埃

次仁甫韻

渺渺橫煙渚
淒淒桂月村
酒非鄰舍取
詩復故人論
世態烏栖屋
生涯雀在門
西山却多思
松雪動吟魂

題溫容村寺壁

草樹醒朝雨
鳥鷺快晚晴
山光自明潤
野氣亦淒清
茗椀閑中味
紋揪靜裏聲
此懷能自適
未要縛簪纓

故城道中同元東巖賦

客亭南北厭飄零
尚喜揚鑣過故城
桐葉不堪追往事
泥丸尤足見民情
青山閱世幾興廢
白塔向人如送迎
佇立夕陽無限思
西風禾黍動秋聲

晚過壽寧

稻壠分碁局
松門入畫圖
牛羊歸自急
鷗鷺宿相呼
落日低青嶂
高風起暝途
歸僧上煙靄
回首愧區區

子文致君九日用安字韻聊亦同賦

旅食京華秋又殘
舊遊真似夢槐安
閑居浪說重陽好
塵世端知一笑難
黃菊已堪增悵恨
白衣無復慰荒寒
馬頭明月應相笑
依舊紅塵滿客鞍

題孔氏園亭

嚴勝諸孫賢至今相承種德滿家林綠槐丹杏風流遠
翠竹蒼松歲月深傾蓋昔誰陪俊賞過庭今復嗣徽音
此生夙有東游願杖履他時或可尋

攬秀軒

寺得新游處軒餘舊賦詩山川蒲子國松栢晉侯祠行
止非人力登臨且歲時道人應笑我真負鹿門期

上巳前後數日皆大雪新晴游臨漪亭上

十日陰風料峭寒試從花柳問平安野亭寂歷春將晚
山徑縈紆雪未乾足踏東流方縵酒手遮西日悔投竿
淵明正草歸來賦莫作山中令尹看

奉陪太守游南湖同郭令賦

翠幄千章蔭晚空年華心賞兩無窮雲頭欲落催詩雨
池面微生解愠風經筵使君談似綺仙舟令尹飲如虹
娜隅自適清池樂不信叅軍是郝隆

三月望日次邊德舉攬秀軒

水遶千家邑山園一席天桑麻新雨露檜栢老風煙
後餘芳草愁時更杜鵑亦知推不去端用得忘年

新秋

旅食京華困鬱蒸可人秋意及新晴夜窓便覺風千里
曉鏡從添雪數莖蟬噪不離羈客耳燕歸還動故園情
軟紅塵外西山色乞與閑人眼暫明

寺樓晴望

詰曲欄杆面翠微，葱籠窓戶溢清暉。
雨侵斜日明邊過，雲望山前缺處歸。
多病過春猶止酒，薄寒向晚却添衣。
宦名不負滄波願，羞見陂田白鳥飛。

題五丈原武侯廟一首

仲純

籌筆無功事可哀，長星飛墮蜀山摧。
三分豈是平生志，十倍寧論蓋世才。
壞壁丹青仍白羽，斷碑文字只蒼苔。
夜深老木風聲惡，尚想褒斜萬馬來。

張郃城公藥

公藥字元石，宰相安簡公孝純永錫之孫。
以文廕入仕，嘗為郃城令。詩號竹堂集。寒食云：一百五日寒食節，二

十四番花信風。新年云：客情病裏度，殘臘老色鏡中添。
一年雲樹縈寒猶漠漠，竹梢迎日已娟娟。春晚云：細風
皺綠漲溪水，小雨點紅添海棠。又云：芭蕉葉斜卷，舒雨
餘醪架小縱橫。春人喜傳之子觀字彥國，仕為某軍節
度副使。孫厚之茂弘承安五年進士。

許下三庚劇暑甚於他州，懷思故鄉嶧山山

水真清涼境界也，感而作詩

曾東百里近福地，日見繹千峯。開玲瓏絕澗，瀉湍激岱
宗古獨尊象緯，了不隔嶧山。迤秦此山許攀，聯朝著有
班秩。虛巖互霞蔚，秀石森玉立。泉聲動環珮，林樂盡笙
瑟。林樂出樹老潤饒菌，果熟香墮實。漱風松落花，泓雪

崖溜蜜木駮虎磨瘞沙迥鳥伸翻水禽戲引吮竹葉
若來往桃源當甲乙晉人隱晉人隱
脫塵網密事往不計年人說猶前日我來官許下濁暑
病逾劇慢膚便枕簟白汗沾巾憤屢輟五夜眠軀廢中
盤食炎官令方虐着意不憐客語此作惆悵可以知得
失遙知舊經行雲起水邊石平生二三子相對坐橫策
今世為天民何容挽之出

往鄜州

出門旋復入崎嶇行路真將蜀道如掃凍村童燒積葉
趁春田婦鬻新蔬雪花被片中流黑雲氣涵山衆壑虛
老子頻年厭羊酪故溪新綠正肥魚

二月

二月芳事何等好南陌東城饒物華春風無意管楊柳
晴日有心烘杏花故山隨分可嫌老宦游到處聊為家
夢歸草堂捲疎箔幾點白鷗眠淺沙

任南麓詢

詢字君謨易州軍市人父貴有才幹善書畫喜談兵宣政
間游江浙君謨生於處州為人慷慨多大節書法為當
時第一畫亦入妙品評者謂畫高於書書高於詩詩高於
文然王內翰子端獨以其才具許之君謨正隆二年進
士歷省掾大名總幕益都都甸判官北京監使課殿降
秦州節廳時無借力者故連蹇不進六十四致仕優游

鄉里家所藏法書名畫數百軸日夕展玩不知老之將
至年七十卒平生詩數千首君謨歿後皆散失今所錄
皆得于傳聞之間如山居云種竹六七箇結茅三四間
稍通溪上路不礙屋頭山黃葉水清淺白雲風往還戊
申春晚云水邊團月翻歌扇風裏垂楊學舞腰南郊小
隱云林邊鳥語月微下竹裏花飛春又深前輩喜稱道
嶺柳今何在蘇黃世無皇天開老眼特地降君謨

西湖

西湖環武林澄澄大圓鏡仰看湖上寺即是鏡中影湖
光與天色一碧千萬頃堤徑截煙來樓臺自昏暝

濟南黃臺 三首

滿目江南烟水秋濟南重到憶南游便欲移家漁市側
輕蓑短棹弄扁舟
柴扉水際晝還扃落日城頭晚更明深綠淡黃洲渚冷
敗荷無數似臨平
綠柳橋邊簇錦鞍紅紗影裏照煙鬟歸來書几高燒燭
渾似江鄉一夢間

蘇州宴

蘇州女兒嫩如水鬢簪花籠青鳳尾十二紅裳釀梳洗
植立唱歌煙霧裏一人半瓊玉手拍袖挽翠雲彈綠綺
落花一片天上来似欲随人渡江水曲終宴闋歌一觴
行人南游道路長明日松江千萬頃煙波雲樹春茫茫

庚辰十二月十九日雪

馮夷掬水翻銀璣北風浩浩如兵威瓊臺玉樹壓金碧
三十六宮明月輝五更待漏雞人唱近衛臚傳九天上
須臾龍馭踏飛瑤萬戶千門寂相向皓齒才入宮袖穿
巧畫長眉梅半額含顰一笑競春妍繡勒錦韉生羽翾
城外雪深迴馬首別殿傳觴燈作晝歡聲一曲借春謠
半夜西園滿花柳雪濡已見盈阡陌况是隆冬見三白
帝力如天人得知今慶明年好春澤

憶郎山

萬壑溪流合千峯木葉黃郎山五千丈獨立見蒼蒼

巨然山寺

孤撐山作碧螺髻漫散水成蒼玉鱗野寺荒凉人不到
水光山影正橫陳

浙江亭觀潮

海門東嚮滄溟濶潮來怒捲千尋雪浙江亭下擊飛霆
蛟蜃爭馳奮鬪鏖鉅鹿之戰百萬集呼聲響震坤軸立
昆陽夜出雨懸河劔戟犇衝潰尋邑吳儂稚時學弄潮
形色沮懦心膽豪青旗出沒波濤裏一擲性命輕鴻毛
須臾風送潮頭息亂山稠疊傷心碧西興浦口又斜暉
相望會稽雲半赤詩家誰有坡僊筆稱與江山作勍敵
援毫三叫句不成但覺雲濤滿肯臆

馮臨海子翼

子翼字士美大定人正隆二年進士性剛果與物多忤
用是仕宦不進以同知臨海軍節度使事致仕居真定
有詩樂府傳于世父仲尹子叔獻三世皆仕至四品職
名亦相近士美詩有筆力如賦臨海乳山萬松堂為可
見矣

三月七日登龍尾山寺

古寺尋龍尾山城送馬蹄花濃香篤朶泉瑩冷玻璃寒
食春無幾催歸日欲西春風吹病眼煙樹遠淒迷

佑德觀試經

琳館清深小雪殘釀梅天氣不多寒客窓竟日無人到
只有蕭蕭竹數竿

書事

客舍如僧舍秋風几席清竹孫仍帶篔鳩婦已呼晴年
老心情減官卑去就輕京師名籍甚鄭子豈其鄉

和張浮休舊韻

嫩水籠篁碧新霜染樹紅石潭沉曉月山雨暝秋空燈
火吟窓下關河醉眼中西風喚張翰南望思何窮

小園茅亭新成

榆柳清陰下茅亭近水湄抵簷栽美竹橫榻賦新詩朴
陋從人笑栖遲止自怡歲寒天地肅松雪有心期

贈張壽卿

羨如冠玉張公子知是留侯幾世孫老境流離少歡趣

天涯邂逅對清尊，貂裘聊作西州客。物化終同北海鯤，十日相從又言別。關山明月正消魂。

岐山南顯道冷香亭

溪橋小雪晴水村，霜月冷暗香林薄。閒得偶璀璨影殷，勤南夫子移植在人境。芝蘭馥氤氲珠壁照光烟，小屋茅草蓋幻此蕭洒景。看花蕤松明醒醉漱苔井，文章聊嬉戲，辭氣頗馳騁。州縣不着脚，時人笑清鯁。我官西州掾，簿領不知省。頻遭官長罵，勢屈石在頂。門庭可張羅，陋巷車轍靜。山歌聽嘲哂，舞伎或瘠瘦。引睡閱文史，朝日無從永。夢到五柳莊，身居六盤嶺。趨來南山下，旅思淒以耿。金壘照衰朽，玩味得俄頃。傍人怪迂踈，佳處當

自領

史明府旭

旭字景陽弟進士，歷臨真秀容二縣令。有詩一卷傳于世，臨真上元夜雪云：斜風吹雪滿山城，壓屋雲低未肯晴。天女散花春一色，燭龍銜照夜三更。交口揚氏在云：青黃遠屋未將熟，紫白依欄菊半開。差赴綬德云也。解笑人必路菊不堪供，稅帶山田先人嘗從之。游稱其時有佳句云：

懷郭碩夫劉南正程雲翼

已將春夢等浮生，更着秋光比宦情。薄有酒消閑日月，苦無心向老功名。黑城村晚鴉千點，白土坡高鴈一聲。

天末何人慰寥索正思張丈與殷兄

早發驃駝期

郎君坐馬臂彫弘手撚一雙金僕姑畢更太平何處用
只堪粧點早行圖好問按景陽大定中作此詩已知國朝知下可用是則詩人之憂思深矣

梨花

少年携酒日尋花老去花前欲飲茶今日傳觴似年少
一枝香雪上烏紗

邊內翰元鼎

元鼎字德舉豐州人兄元勳元恕俱有時名號三邊德
舉十歲能詩天德三年弟進士以事停銓世宗即位張
太師浩表薦供奉翰林出為邢州幕官復坐誣累遂不

復仕進德舉資稟疎俊詩文有高意時輩少及如云雲
鍾號曉月風絮亂春燈晚照入簾如有意春風過水畧無
痕五更好夢經年事三月殘花一夜風拂子云驅去青
蠅諺口遠拂開黃卷聖言新雲露月華天半白星移河
漢夜微涼此類甚多

八月十四日對酒

梧桐葉凋轆轤井萬籟不動秋宵未金杯瀉酒灑十分
酒裏華星寒烟烟湏臾蟾蜍弄清影恍然不是人間景
金波淡蕩桂樹橫孤在玻璃千萬頃玻璃無限月光冷
頰洞一色無纖穎清風颭颭四坐來吹入羲黃醉中境
醉中起歌歌月光月光不語空自涼月光無情本無恨

何事對我空茫茫我醉只知今夜月不是人間世人月
一杯美酒蘸清光常與邊生舊交結亦不知天地寬與
窄人事樂與哀仰看孤月一片白玉露泥泥從空來
直須卧此待雞唱身外萬事徒悠哉

早春

春風走塵沙鳥語滿京國東皇發潛潤土木變顏色桃
李爭嫵媚白紅姹容飾唯有松栢姿依然蔽崖黑

村舍 二首

何事區區守一丘春花過了月明秋等閑濁酒籬邊興
寂寞寒花雨裏愁不識故人今在否每思前事隔重游
西風又是青山晚落葉無聲水自流

表

牆外青山半在樓山村盡晚雨脩脩旃表擁腫無餘事
尊酒飄零又一秋學得屠龍無用處抵如畫虎反成羞
回頭爲向淵魚道鴻鵠而今不願游

懷友

曾聯金轡賞春風花裏風前酒面紅行樂昔年君我醉
詩觴何日我君同一聲啼鳥青春晚幾樹殘紅野寺空
相憶情懷正蕭索半山夕日水聲東

夜深

月落秋山萬象清濕螢微近露枝明夢魂黯慘家千里
鼓角淒涼夜幾更弟子亡來鄉校冷舍人別後子虛成
銀河漸轉梧桐黑何處江湖望客星

春花零落

春花零落鴈秋悲已過流年二十暮有古能忘坐鞦屏
無金莫恠下幾遲世情冷熱雖予聞人事升沉未汝如
何日上方容請劔會乘風雨斷鯨鯢

出門騎馬

出門騎馬即三千面目塵埃動慘然生計若爲田二頃
飢顏醜媿宦三年乾坤造物能無用富貴由時枉自鞭
達否從今已知計五湖煙裏有漁舩

帝城

帝城回想夢魂中秋月春花在處同朱雀橋南三月草
鳳凰樓上四更風錦囊別後吟牋必玉笛閑來酒盞空

贏得當時舊標格九分憔悴入青銅

新香

新香終比舊香濃只是相逢久不容繡被擘同巫峽夢
銀鞍多負景陽鍾寶檀煙斷開金獸玉鎖聲傳惱睡龍
簾影漸分風又起一塘秋水落芙蓉

聞蕭

弄玉吹蕭玉管低秋風散入滿天悲滄波夜漲龍吟細
琪樹霜風鳳肅遲漢月有情如靜聽蕭郎無路不相知
秦樓虛負清宵意惆悵乘鸞舊有期

和致仕李政奉韻

車馬年年陌路塵安知六驥過窓頻雲泉是處堪爲樂

軒冕從來只累人，浮世夢中無限事。紅顏花上霎時春，五湖興有扁舟笛。好在晴天月一輪。

別友

從來雞鶴不同群，涇渭何人與細分。鏡裏光陰誰念我，雲中岐路已饒君。清觴且吸年時月，白雪休徵夢裏雲。別後相思不相見，水邊黃葉暮山村。

送妹夫之太原

山含秋氣冷參差，送客西城落日低。怨別弟兄歸快快，戀鄉車馬去遲遲。浮萍聚散元無定，流水東西却有期。惆悵黃榆故山路，碧天回首鴈南飛。

惜春

春來春去惱春晴，花落花開又幾經。夜雨多情愛沾灑，楊花無賴只飄零。每成宴賞須成醉，不恨歸來却恨醒。眼見紅英留不住，綠枝深處一星星。

客思

客思逢春易感傷，不堪殘泪愛家鄉。離親恍惚來千里，餬口淒涼在四方。羞向孫劉圖富貴，浪從李杜學文章。官街坐對黃昏月，半屋清燈滿地霜。

暮鐘

落日行人斷，深秋暝雨殘。一聲煙樹外，千里暮山寒。倦鳥方知止，哀猿冷不安。蕭蕭風葉下，時有野僧還。

夢斷

繡枕紅衾晚意濃啼嬰大似不相容夢魂苦恨歸來早
不盡瀛洲第一峯

花開人散 二首

花開人散正消魂花語無情獨閉門看即春光留不住
一聲啼鵲又黃昏

閑花閑草滿芳洲春水無人自在流白日遲遲倦游子
一聲啼鳥一聲愁

聞笛

雌鸞無鳳怨西風月女愁寒泪洒空牙板急隨聲不斷
滿天敲碎玉玲瓏

王文伯還家詩以迎之

陌上東風故國春瘦駮羸僕倦行塵十年一夢成何事
千首新詩不負人重對孤燈聽軟語遮憐華髮各清貧
西齋煙草應知舊桃李新溪浦四鄰

晚行

隔浦行聞晚寺鐘斷坡寂歷對寒松蒼煙暮合孤城暗
破月微昏遠岫重宿翼飛投空自急斷蓬無計竟何從
新年又入應添歲歸把青銅怨暮冬

山中

世路風波老不禁一塵歸買就槐陰坐詩爲累言難解
因酒成狂病轉深山月荒涼窺斷夢壁燈青黯伴微吟
十年積毀應消骨豈礙孤雲萬里心

自嘆

終日忘言一炷香散華時復遠繩床久貧自沃三彭熾
一醉齊休六賊狂道士生涯孤似鶴衲僧門戶冷於霜
自知衰病耽杯酒擬及溫柔老是鄉

新秋示友

一頃山田半已蕪閉門高卧著潛夫不才分作溝中斷
舊好誰瞻屋上烏南阮強須攀北富東丘何用嘆西愚
自怜幽默相忘久聞鳥鳴蟬枉叫呼

偶題二首

當年樂事嘆今衰人世空驚日未移風榭醉眠摧扇燭
雨窓狂飲滯蛾眉長松茂草窮年事野水孤村入夢時

強鑷鬢絲臨晚鏡瞥然塵念不勝悲
短髮臨風懶不冠窪尊塵坐寂無歡離騷又賦醒尤獨
孤憤空書說轉難晚節慣成林壑僻幽居深入水雲寒
蒼崖瘦栢無窮思鵠立溪頭盡日看

新居

鏡裏巖花落澗泉對窓青壁便參天幾當雪月開春酒
時有松風入夜絃遠斲山田多種黍稀經城市少言錢
平生謾忽王公貴俯仰村鄰更可怜

閑題

十年一夢到灰心歸鬢吳霜漸欲侵物外少逢稀有鳥
治中仍作不祥金閑雲閣雨終何事枯木因風亦自吟

却嘆淵明非達道無絃猶是未忘琴

答文伯二首

老情無賴畏虛勞已絕朱弦又一操
閑事每來知酒聖浮生欲去愧僧高
息心鍾鼎休看鏡安枕茅茨不夢刀
遙羨郭西王處士道傍羸馬詠風騷

晚窓清鏡卷浮埃恨入新秋不可裁
露浥野花三徑合風傳雲壑七松哀
志機魚鳥真相識落手功名亦儻來
萬古消沉一杯酒直湏白骨點蒼苔

閱見一十首

君居淄右妾河陽平白相逢惹斷腸
蠟燭已殘歌欲闕併教離恨遠飛梁

蕭史吹笙鳳女臺月高霜冷鳳笙哀
不堪好酒沉沉夜又遣青鸞獨自來

鳳紙銜封玉鏡臺繡鸞傳記已相猜
傾城笑臉千金樣莫對閑人一例開

歌裏冲冲笑裏嗔深情會處幾何人
憑君為向五陵道冶葉倡條不是春

笑裏佯眉引醉波闌風秋月一聲歌
明知畫燭無情物何是尊前泪更多

笑不成歡歌斂眉景陽鍾動酒闌時
此情却羨牽牛會一歲相過可是遲

牛女佳期歲一過都緣迢迢隔金河
可憐馬上香車畔

只隔珠簾更不多

輕蓮素質澹蕭蕭葉密溪深未可招
雨暗蘭舟人去後却容白鷺逞風標

雙鸞夾鏡鳳橫釵捧額黃梅小鴈排
為報阿環休調戲雙成西母忽相猜

膩髮堆雲鏡舞鸞五雲仙洞接清歡
歸來失却吹蕭伴腸斷崑山昨夜寒

李承旨晏

晏字致美高平人唐順宗第十六子福王綰之苗裔父
森字彥實工於詩有云少年日日醉花邊短白長紅一
一伶自笑老來心尚在惡風常廢五更眠又賦梅云冰

骨有香魂乍返玉顏無暈酒全消人多傳誦之致美皇
統二年經義進士釋褐臨汾丞時張太師浩判平陽一
見愛其才為之延譽稍遷遼陽幕官與興陵有藩邸之
舊入翰林為學士高文六冊號稱獨步拜御史中丞初
遼人掠中原人及得美渤海諸國生口分賜貴近或有
功者大至一二州少亦數百皆為奴婢輸租為官且納
課給其主謂之二稅戶大定初一切免為民間山寺僧
賜戶三百與僧共居供役而不輸租故不在免例訴者
積年臺寺不為理又訴於致美致美上章大畧謂天子
作民父母當同仁一視分別輕重乃胥史舞文法之敝
陛下大明博照豈可使天下有一民不被其澤者且沙

門旣謂之出家而乃聽其與男女雜居乎書奏宰相持
不可世宗詔致美與相詰難致美伏御座前曰前日車
駕幸遼東問山寺曾供從官一宿之具寺僧物陛下物
也陛下無以此直寺僧而使三百家受屈世宗大笑曰
李旻却制我邪即日免之明昌初為禮部尚書分諸道
府試復經義設經童科皆自致美發之出為沁南軍節
度使告老不從改昭毅軍節度使且授子仲略澤州刺
史以榮之時澤潞旱甚致美擅發倉粟三萬石採餓者
因上章請罪章奏而本道提刑彈章亦至章宗謂宰相
言提刑職當然李旻義當然不之罪也仲畧字簡之大
定二十二年進士仕至山東路按察使道陵愛其俊快

此為脫帽鷓云致美自號游仙野人簡之丹源鈞徒有
集傳于世簡之之子肯播字克紹肯穫字克守肯德字
克脩

白雲亭

白雲亭上白雲秋桂棹蘭桡記昔游往事已隨流水去
青山空對夕陽愁興亡翻手成舒卷今古無心自去留
獨倚西風一惆悵數聲柔櫓下汀洲

贈燕

王謝堂前燕秋風又送歸向人如惜別入戶更低飛海
闊迷煙島樓高近落暉不知從此去幾日到烏衣

通州道中

舟將年華老飄飄客路難塵埃山色斷雲霧日光寒念
遠心先折孤吟鼻亦酸平生江海意潦倒愧儒冠

高麗平州中和館後草亭

藤花滿地香仍在松影拂雲寒不收山鳥似嫌遊客到
一聲啼破小亭幽

題武元直赤壁圖

鼎足分來漢祚移阿瞞曾困火船歸一時豪傑成何事
千里江山半落暉雲破小蟾分樹暗夜深孤鶴掠舟飛
夢尋仙老經行處只有當年舊釣磯

喚梅圖

簡之

隴隴齊色冷黃昏缺月踈籬水外村人在天涯花在手

一枝香雪寄銷魂

蓮塘陪諸公賦

潦倒何堪接俊遊神仙空羨李膺舟官曹只在空湖畔
薄領如山屋打頭省幕在城外
推甲陋故云

王都運寂

寂字元老薊州玉田人系出三槐父礎字鎮之國初名
士仕至歸德府判官元老天德三年進士興陵朝以文
章政事顯終于中都路轉運使壽六十七謚文肅有拙
軒集北遷錄傳於世三子欽執直執鄰執俱爲能吏元
老專於詩有云生涯貧到骨家具少於車元夕感懷云
殘夢關河漁禁月舊游燈火馬行春留別郭熙民云五

年風雪黃州閩萬里關河渭水秋與涿郡先主廟詩當年竹馬戲兒曹笑指樓桑五丈高故國神遊得無恨壞垣風雨夜蕭騷人共傳之行記載其先人雞山一詩云記得垂齧此地遊雞山孤立水平流而今重過山前路山色青青人白頭予謂詩固佳恨其依倣蘇才翁太甚耳

易足齋

吾愛吾廬事事幽此生隨分得優游窮冬夜話蒲團暖長夏朝眠竹簟秋一榻蠹書閑處看兩盃薄粥飽時休紅旗黃紙非吾事未羨元龍百尺樓

送張仲謀使三韓

照海旌幢出樂浪過家上冢路生光鴨江桃葉朝迎渡岳嶺松花夜煮湯恩詔肅將芝檢重醉鞭佞裊玉鞘長遺民笑指天車道酷似南陽異姓王

高麗稱中原使節皆曰天車某官事

見閩子秀鴨江行記

自東營來廣寧道出牽馬嶺經梁利器墓下毀譽說說息蓋館百年春夢大槐安功名倒挽九牛尾富貴真成一鼠肝故國嬰花人事改空山風雨夜臺寒平生老我心如鐵醉眼西州泪不乾

黃桃花

膺喚國色朝酣酒賜與羽衣如太真道士厭看千樹老令君別換一城新細梅拂額更不俗粟玉削肌殊可人

想得乞漿尋舊約東風不似去年春

沁水山寺

兩峽山高月半輪五更人起馬嘶頻無端又上長安道
輸與僧窓飽睡人

奉題少保張公曲阿別墅二首

休沐時時散馬蹄綠陰如染轉長堤帝城和氣融春圃
相國餘波到兩溪無數龜魚欣作主不言桃李自成蹊
聖時正要傳衣事賀監從渠老會稽

鍾湖亭下水淙淙綠野平泉未易雙十里藕花紅步障
一軒松蔭碧油幢洛中獨樂有司馬天下不名知曲江
紙尾欲煩賢宅相雨蓑添我坐蓬窓

蓮峯具進喬哀

哀字君章初名逢辰洪洞人天德三年進士詩樂府俱
有名子字德容八歲能鼓琴召入東宮顯宗稱其不
凡大定十六年登科貞祐初為益都按察轉運使與田
琢器之俱歿兵間

凌虛堂

木暗蒼煙合池荒碧草深高臺平竹杪幽徑入花陰奔
走成何事登臨慰此心晚涼山更好風處一披襟

大正

大正
一
一

程